



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-2537-12/22

Datum: 19.08.2022.godine

Na osnovu člana 70. stav 1. i stav 6. a u vezi sa članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

ODLUKU

poništenju postupka javne nabavke

I

Poništava se postupak javne nabavke radova, "Regulacija odvodnje površinskih voda Sječe-škola", koji je objavljen na Portalu javnih nabavki dana 21.07.2022.godine pod brojem: 375-7-3-147-3-47/22.

II

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

III

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

Obrazloženje

Postupak javne nabavke radova, "Regulacija odvodnje površinskih voda Sječe-škola", pokrenut je Odlukom o pokretanju postupka broj:02-11-3-2537-2/22 od 11.07.2022.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 21.07.2022.godine pod brojem: 375-7-3-147-3-47/22, procijenjena vrijednost javne nabavke bez PDV-a je 25.641,02KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 3 (tri) ponude i to: ponuda GEO-PUT d.o.o. Maglaj, ponuda DOBOJPUTEVI d.d. Doboj Jug i ponuda KM GRADNJA doo Tešanj.

Komisija za javne nabavke imenovana rješenjem Općinskog Načelnika broj: 02-11-3-2537-5/22 od 28.07.2022.godine izvršila je dana 04.08.2022.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o prijemu ponuda prosljedila elektronski svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve pristigle ponude formalno ispravne, te kako je **tačkom 5.1. Tenderske dokumentacije** predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, to je ugovorni organ zakazao E-aukciju za dan 17.08.2022.godine u 10:00 sati sa vremenskim trajanjem od 10 minuta. Iz Izvještaja o toku i završetku E-aukcije od 17.08.2022.godine vidljivo je da KM GRADNJA doo Tešanj kao ponuđač zauzima prvo mjesto na Konačnoj listi ponuđača koji su učestvovali u E-aukciji sa cijenom od 34.253,10 KM, ponuđač DOBOJ PUTEVI d.d. Doboj Jug zauzima drugo mjesto sa cijenom od 36.821,55 KM te ponuđač GEO-PUT d.o.o. Maglaj zauzima treće mjesto sa cijenom od 47.025,00 KM.

Zapisnikom o pregledu i ocjeni ponuda broj:02-11-3-2537-11/22 od 17.08.2022.godine Komisija je u skladu sa članom 69. stav 2. tačka e) Zakona o javnim nabavkama preporučila ugovornom organu da

poništi postupak javne nabavke radova "Regulacija odvodnje površinskih voda Sječe-škola", jer su cijene svih prihvatljivih ponuda znatno veće od osiguranih sredstava za predmetnu nabavku, naime procijenjena vrijednost javne nabavke a samim tim i osigurana sredstva za istu su 25.641,02KM, a prvorangirana i najjeftinija ponuda je ponuda ponuđača KM GRADNJA doo Tešanj i iznosi 34.253,10 KM, što je cca. 25,14% više od planiranih sredstava za predmetnu nabavku.

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva jer je cijena ponude znatno veće od osiguranih sredstava za predmetnu nabavku, to je primjenom člana 69. stav 1. tačka b) i stav 2. točka e). Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno kao u dispozitivu ove Odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x3,
2. Služba za društvene djelatnosti i investicije,
3. Služba za finansije, privredu, komunalne i inspeksijske poslove-računovodstvo,
4. Web stranica Općine Tešanj, elektronski
5. Predmet.

Čaučković



OPĆINSKI NAČELNIK

Suad Huskić
mr.sci. Suad Huskić